

Na osnovu Odluke Vlade Bosansko - podrinjskog kantona Goražde broj: 03-14-877-2/13 od 23.05.2013.godine, o davanju saglasnosti na Programa utroška sredstava „Program podrške razvoju privatnog sektora i izvozne industrije“ utvrđenog na ekonomskom kodu 614500- Subvencije privatnim preduzećima za 2013.godinu, Ministarstvo za privredu Bosansko-podrinjskog kantona Goražde **objavljuje:**

JAVNI POZIV

za dostavljanje prijedloga projekta za finansiranje iz Programa utroška sredstava „Program podrške razvoju privatnog sektora i izvozne industrije“ utvrđenih u budžetu Ministarstva za privredu Bosansko-podrinjskog kantona Goražde za 2013.godinu

I Predmet i svrha javnog poziva

Predmet javnog poziva je prikupljanje prijedloga projekta za sufinansiranje iz budžeta Bosansko-podrinjskog kantona Goražde u okviru Programa podrške razvoju privatnog sektora i izvozne industrije za 2013.godinu.

Svrha javnog poziva jeste pružanje podrške razvoju privatnog sektora i izvozne industrije kako bi se stvorili uslovi za povećanje broja novih radnih mjesta, povećanje izvozno orijentisane proizvodnje, kao i saradnja prerađivačke industrije kantona za nastup na inostranim tržištima i razvoj konkurentskih prednosti Bosansko-podrinjskog kantona Goražde.

II Ciljne grupe

Na javni poziv mogu aplicirati sva privredna društva sa područja Bosansko-podrinjskog kantona Goražde koja ispunjavaju uslove u skladu sa „Programom podrške razvoju privatnog sektora i izvozne industrije“ za 2013.godinu, i koji imaju minimalno 5 (pet) uposlenih radnika.

III Opšti i posebni ciljevi programa-

Opšti cilj programa jeste kreiranje novih radnih mjesta na području Bosansko-podrinjskog kantona Goražde kroz podsticanje razvoja malih i srednjih preduzeća i razvoja izvozno orijentisane prerađivačke industrije, saradnju prerađivačke industrije kantona za nastup na inostranim tržištima i razvoj konkurentskih prednosti Bosansko-podrinjskog kantona Goražde.

Posebni specifični ciljevi programa su:

1. Razvoj malih preduzeća

100.000 KM

U okviru prvog posebnog cilja obezbijedit će se povećanje broja zaposlenih radnika u malim preduzećima iz sektora prerađivačke industrije. Ova podrška planirana je za projekte koji uključuju kombinaciju aktivnosti na izgradnji, proširenju ili adaptaciji industrijskih objekata, nabavci mašina i opreme za proizvodnju uvođenjem novih tehnologija, poboljšanju uslova rada, sigurnosti na radu i zdravlju radnika sa aktivnostima na otvaranju novih radnih mjesta i zapošljavanju kvalifikovane i stručne radne snage. Podrška će se obezbijediti i za druge projekte i mjere koje ispunjavaju uslove i kriterije za ostvarivanje podrške u okviru razvoja malih preduzeća.

Korisnici sredstava- Sva privredna društva, shodno tački 7.3 programa koja zapošljavaju do 50 radnika.

2. Razvoj izvozno orijentisane industrije

300.000 KM

Podrška za razvoj izvozno orijentisane prerađivačke industrije planirana je za projekte i aktivnosti koje uključuju kombinaciju aktivnosti na izgradnji, rekonstrukciji ili proširenju industrijskih objekata; nabavci mašina i opreme neophodnih za proizvodnju novih proizvoda ili proširenje proizvodnje uvođenjem novih tehnologija; nabavku mašina i opreme koje otklanjaju uska grla u procesu proizvodnje, poboljšanju uslova rada, sigurnosti na radu i zdravlja radnika sa aktivnostima na otvaranju novih radnih mjesta, zapošljavanju kvalifikovane i stručne radne snage, te aktivnostima na poboljšanju uslova i sigurnosti na radu. Podrška je planirana i za aktivnosti na unaprijeđenju stanja okoliša i njegove zaštite u industrijskim zonama na području Bosansko-podrinjskog kantona Goražde

Podrška je planirana i za rekonstrukciju saobraćajnica unutar industrijskih zona i puteva koji spajaju industrijske zone sa magistralnim cestama i rekonstrukcije javnih parking prostora za potrebe radnika.

U okviru ovog posebnog cilja obezbijediće se sredstva za pripreme radove na lokalitetu Haldište koje je planirano za proširenje prostora Industrijske zone Vitkovići, a koji se provodi u saradnji sa Ministarstvom za urbanizam, prostorno uređenje i zaštitu okoline.

Podrška će se obezbijediti i za druge projekte i mjere koje ispunjavaju kriterije po pitanju uslova za ostvarivanje podrške u okviru razvoja malih i srednjih preduzeća

Korisnici sredstava- Sva privredna društva, shodno tački 7.4 programa koja zapošljavaju više od 50 radnika

3. Jačanje sektora usluga

120.000 KM

U okviru razvoja i zapošljavanju u uslužnom sektoru, obezbjedit će se podrška privrednim društvima iz sektora usluga u implementaciji projekata i aktivnosti koje doprinose njegovom razvoju i kreiranju novih i bolje plaćenih radnih mjesta.

Ova podrška planirana je za projekte koji uključuju kombinaciju aktivnosti na izgradnji, rekonstrukciji, proširenju poslovnih objekata, nabavku opreme i uređaja u kombinaciji sa aktivnostima koje za rezultat imaju kreiranje novih i bolje plaćenih radnih mjesta u cilju poboljšanja smještajnih kapaciteta, uslova rada i povećanja broja stručne radne snage zaposlene u turističkom sektoru za navedene objekte.

Korisnici sredstava- Sva privredna društva, shodno tački 7.5 programa.

4. Podrška u izlasku iz problema prouzrokovanim recesijom i gubitkom tržišta

Četvrti posebni cilj programa je pružanje podrške privrednim društvima u slučaju da problemi prouzrokovani recesijom i gubitkom tržišta mogu dovesti do ozbiljnijeg poremećaja na tržištu rada i smanjenja broja zaposlenih.

Podrška za izlazak iz problema prouzrokovanim recesijom obezbjedit će se u vidu pomoći privrednim društvima koja imaju izrađen sveobuhvatan program sanacije na način i pod uslovima koji su definisani ovim programom.

Podrška će se obezbijediti privrednim društvima u prevazilaženju poteškoća koji nisu u stanju da bilo svojim vlastitim sredstvima ili sredstvima svojih osnivača, suosnivača, povjerioca zaustave gubitke i što bi bez intervencije javnih organa u kratkom ili srednjem roku, gotovo sigurno rezultiralo prestankom njihovog poslovanja i gubitka radnih mjesta, te pomoć u slučaju poteškoća koje su prouzrokovane prirodnim nepogodama ili drugim vanrednim okolnostima.

5. Povećanje konkurentskih prednosti

60.000 KM

Peti posebni cilj programa je poboljšanje konkurentskih prednosti privrede Bosansko-podrinjskog kantona Goražde. U okviru poboljšanja konkurentskih prednosti obezbjedit će se podrška privrednim društvima kroz učestvovanja u šemi podsticajnih mjera za poboljšanje konkurentnosti. Podrška za poboljšanje konkurentskih prednosti planirana je za projekte ili aktivnosti koji za rezultat imaju zapošljavanje stručnih kadrova u prerađivačkoj industriji, obuku i usavršavanje radnika, istraživanje i razvoj novih proizvoda i tehnologija, poboljšanje uslova rada, zdravlja i sigurnosti radnika i aktivnosti u oblasti marketinga. Podrška će se obezbijediti i za druge inovativne projekte i aktivnosti koje mogu doprinijeti poboljšanju konkurentskih prednosti privrede Bosansko-podrinjskog kantona Goražde.

Korisnici sredstava- Sva privredna društva sa područja BPK Goražde shodno tački 7.7 programa.

IV Potrebna sredstva za provođenje programa

Potrebna sredstva za provođenje Programa definisana su Budžetom Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 15/12), na ekonomskom kodu 614500–Subvencije privatnim preduzećima i poduzetnicima u iznosu od **580.000 KM**.

V Uslovi finansiranja

Aplikanti su obavezni da osiguraju vlastito učešće u finansiranju projekata u iznosu minimalno 20 %. Maksimalni i minimalni iznos granta definisan je u tabeli 4. Programa.

VI Pravo učešća

Opšti uslovi za učestvovanje u programu

U implementaciji programa primjenjivaće se restriktivne procedure koje omogućavaju ravnopravno učestvovanje u programu svim licima koja kumulativno ispunjavaju sljedeće opšte uslove:

Opšti uslovi za učestvovanje u programu su:

- Da imaju registraciju na području Bosansko-podrinjskog kantona Goražde
- Da su registrovani kao privredna društva;
- Da se ne nalaze u procesu stečaja ili likvidacije ili blokade računa;
- Da se prijedlog projekta ili zahtjev kandiduje u skladu sa odredbama Programa.

Privredni subjekti su pored opštih uslova obavezni ispunjavati i sljedeće uslove:

- Da su registrirana minimalno dvije godine od dana dostavljanja aplikacije,
- Da su registrovana kao društva ograničene odgovornosti ili dioničarska društva,
- Da imaju minimalno pet stalno zaposlenih radnika,
- Da djelatnost obavljaju na prostoru Bosansko-podrinjskog kantona Goražde,
- Da nemaju neizmirenih obaveza za poreze i doprinose, osim obaveza za koje su obuhvaćene ugovorom o reprogramiranju obaveza,
- Da su dostavili izvještaj o namjenskom utrošku sredstava za odobrena sredstva od strane Vlade

- Bosansko-podrinjskog kantona u periodu od protekle tri godine,
- Da su ispunile ugovorene obaveze po odobrenim grantovima Vlade Bosansko-podrinjskog kantona Goražde u zadnje tri godine.

Za svaki poseban cilj programa, pored opštih, primjenjivaće se i posebni uslovi za učestvovanje u programu a u skladu sa procedurama apliciranja navedenim u Programu podrške razvoju privatnog sektora i izvozne industrije za 2013.godinu.

VII Odabir korisnika sredstava

Sve dostavljene prijedloge projekata u skladu sa odredbama Programa, procjenjuje Komisija imenovana od strane Ministra za privredu Bosansko-podrinjskog kantona Goražde.

Nakon provedene procedure apliciranja, selekcije i evaluacije, najbolje rangirani prijedlozi projekata će biti odobreni nakon što Vlada Bosansko-podrinjskog kantona donese Odluke u skladu sa odredbama Programa.

VIII Naziv korisnika sredstava

Direktni korisnici sredstava programa mogu biti lica koja ispunjavaju opšte i posebne uslove programa, a indirektni korisnici sredstava mogu biti lica koja imaju status implementatora sredstava iz programa.

IX Obavezni prilozi

Aplikanti su dužni dostaviti prijedloge projekata u formi koja je propisana od strane Ministarstva za privredu Bosansko-podrinjskog kantona Goražde. **Forma za dostavljanje prijedloga projekata, aplikacioni obrasci i spisak obaveznih priloga mogu se preuzeti sa internet stranice www.bpkgo.ba ili u Ministarstvu za privredu Bosansko-podrinjskog kantona Goražde, kancelarija broj 2.**

Uz prijedlog projekta, aplikanti su obavezni priložiti:

- Sudsko rješenje o registraciji sa svim pojedinačnim priložima;
- Uvjerenje o izmirenim obavezama od poreske uprave;
- Uvjerenje o izmirenju obaveza PIO/MIO sa podacima o broju prijavljenih radnika;
- Uvjerenje da odgovorna osoba u posljednjih 5 godina nije osuđivana u sudskom postupku za kršenje zakona u smislu poslovnog ponašanja;
- Uvjerenje da nije pred stečajem ili likvidacijom;
- Izvještaj o finansijskom osiguranju (bilans stanja i bilans uspjeha za prethodnu godinu);

Uvjerenja nesmiju biti starija od 3(tri) mjeseca računato od dana podnošenja zahtjeva, a kopije Uvjerenja i drugih dokumenata moraju biti ovjerene.

Aplikanti su dužni da pored gore navedenih obaveznih priloga, dostave i ostale priloge iz Programa koji su neophodni za aplikaciju, evaluaciju i ocjenu dostavljenih projekata.

X Podnošenje prijedloga projekata i zahtjeva

Prijedlozi projekata sa traženim priložima se dostavlja u zatvorenoj koverti na adresu:
Ministarstvo za privredu Bosansko-podrinjskog kantona Goražde
ul M.Tita 13, Goražde 73000,

sa naznakom: za javni poziv za odabir korisnika sredstava po Programu utroška sredstava “ „Program podrške razvoju privatnog sektora i izvozne industrije” za 2013. godinu

„NE OTVARAJ“

Rok za dostavljanje prijedloga projekata je 30 dana od dana objavljivanja Javnog poziva na oglasnoj ploči Bosansko-podrinjskog kantona Goražde i sredstvima javnog informisanja.

Krajnji rok za dostavljanje prijedloga projekata je 12.07.2013.godine u 16 sati, a aplikant može dostaviti zahtjeve za sredstvima do 04.11.2013.godine, tj. do konačnog utroška sredstava namjenjenih za finansiranje zahtjeva.

XI. Ostale odredbe

Sa kandidatima čiji se projekat-zahtjev prihvati biće potpisan Ugovor o implementiranju dodijeljenih sredstava, kojim će biti preciziran način i dinamika korištenja odobrenih sredstava, te nadzor nad utroškom istih u namijenjene svrhe.

Sve dopunske informacije vezane za Javni poziv mogu se dobiti svakim radnim danom putem telefona broja 038/228-640 od 08,00 do 16,00 sati.

Broj: _____
Goražde, 11.06.2013.godine

MINISTAR

Demir Imamović dipl.ecc